



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopis Et Episcopis & aliis Ecclesiarum Prælatis & universis Clericis
in regno Aragoniæ constitutis.

urn:nbn:de:hbz:466:1-20020

Sathanæ transfiguravit se in angelum lucis , & sub ovina pelle lupina rabies se abscondit. Licet autem sis immemor & ingratus dilectionis & gratiae quam tibi studiimus exhibere , adhuc tamen experiri voluntates utrum in te aliqua devotionis & obedientiae scintilla remanferit per ap. t. s. dis. præc. m. q. præfatos Marchionem & Hug. de Basso diligenter moneas & inducas ut prælibatam incestuosam copulam omnino dissolvant , ac sententias excommunicationis & interdicti latae auctoritate nostrâ in Dominas & terram Galluris , necnon & Lambertum Pisatum , solemniter innoves & declares , rôque usque ad festum resurrectionis dominicae proximò venturum apostolico conspectui repreſentes . Alioquin ex tunc scias te ab officio pontificali suspenſum , Datum Corneti VI. Kal. Novemb. anno decimo.

*ARCHIEPISCOPI ET EPISCOPI
& aliis Ecclesiastarum Prelatis & universis
Clericis in regno Aragonie constitutis.*

Epiſt. 144.
De libertate
electionum e-
piscopaliūm.
*Vide addi-
tionem ad lib. 8.
de concordia fa-
cerdotij & imp.
cap. 10.*

Soleat annuere &c. usque impertiri. In litteris siquidem kar. in C. fil. n. Petri illustris Regis Aragonum sic de verbo ad verbū perspeximus contineri. Petrus Dei gratia Rex Aragonen. Comes Barchinonen. & Dominus Montis pessulanus venerabilibus in Christo Terracenen. Archiepiscopo & universis Episcopis , Abbatibus , ceterisque Ecclesiastarum Prælati & eorum conventibus in regno & dominio nostro constitutis , æternam in Domino salutem. Regi Regum , per quem Reges regnant , reverentiam debiram exhibentes , & sponsæ ejus , sanctæ videlicet Ecclesia , integrum libertatem conservare volentes , pessimam confuetudinem à nobis hacenus observatam , qua electionem Prælatorum sine nostro consilio & assensu procedere non permettabamus , amore Dei & sanctæ Ecclesie & pro remedio animæ nostra & parentum nostrorum relaxamus , vobisque & universis successoribus vestris & conventibus in omni juridictione nostra constitutis liberam eligendi facultatem per nos & per omnes successores nostros , assensu regio minimè requisito , in perpetuum indulgemus , hoc solum nobis & successoribus nostris reservantes , ut liberè & canonice electus in signum regie fidelitatis nobis & successoribus nostris debeat præsentari. Nos igitur devotionem regiam in Domino commendantes , & approbantes in hac

parte statutum ipsius , illud auctoritate apostolica confirmamus & præsentis scripti patrocinio communimus. Nulli ergo &c. nostræ confirmationis &c. Si quis autem &c. Datum Corneti III. Kal. Novembr. anno decimo.

*ABBATI ET CONVENTI
S. Martini de Monte.*

Ne causa sententiali calculo diffinita in recidivæ contentionis scrupulum relabatur , judicialis diffinitio atramentali debet calamo exarari. Præsentibus ergo litteris innotescat quod nos auditis & intellectis attestationibus , instrumentis , & allegationibus universis propositis coram nobis in causa quæ vertebatur inter yconomum vestrum ex parte una & Fortiguerram ac Raynuicium filium Poli Guidodotii cives Vitterbienses ex altera super accalamenſis quondam Tornampart. & terris de Risiare ac salicis cum molendino ubi facta est qualkeria , sententiam Iacobi & Marthai judicium Vitterbiens , contra monasterium iniquè prolata omnino cassamus , & sententiam à ven. f. n. R. civitatis Castellanensis Episcopo & P. Ymaëlis tunc Abbatे sancti Andreæ contra præfatos cives minus provide promulgatam corrigimus in hunc modum , videlicet quod cùm constet monasterium vestrum in venditione prædictarum rerum ultra dimidiā justi pretij fuisse deceptum , præfati cives aut recepto pretio possessiones restituant memoratas , aut suppleant quantum legitimè ostendetur tempore venditionis iulio pretio defuisse. Nulli ergo &c. nostræ diffinitionis &c. Si quis autem &c. Datum ut in alia.

LYNDENSI ARCHIEPISCOPO.

Per tuas nobis litteras intimasti quod tempore bo. me. prædecessoris tui Clericus quidam consilio cuiusdam sacerdotis , quem familiarem habebat , ut ad sacros ordines minis acceleraret inductus , cùm esset Acolytus , subdiaconatus ordine prætermisso , præsumptuose se fecit in Diaconum promoveri ; qui postmodum pœnitentia duetus delictum suum cuidam Presbytero patetfecit ; à quo fuit eidem injunctum ut in aliquo monasterio sub regulari habitu Domino ministraret ; ubi cùm per annos aliquot permanisset , super prædicto excessu quendam duxit Episcopum iterum consulendum , qui nihil eidem injungens delictum hujusmodi tuo iudicio reservavit. Tu vero ipsi post-

Epiſt. 145.
De revoca-
tionis alienatio-
nibus mona-
chis.

Epiſt. 146.
De Clerico pet-
fatum promo-
to.